

Туманда ижтимоий муҳофазага мұхтоҗ ва иш топишда қийналаётган шахсларни ишга жойлаштириш учун иш үринларини 2020 йил учун банд қилиб қўйиш тўғрисида

(лойиҳа)

Ўзбекистон Республикаси “Аҳолини иш билан таъминлаш тўғрисида”ги Қонунининг 17-моддасига (Ўзбекистон Республикаси Қонун ҳужжатлари тўпламлари, 2013 йил, 41-сон, 543-модда) ва “Ўзбекистон Республикасида ногиронларни ижтимоий ҳимоя қилиш тўғрисида”ги (Ўзбекистон Республикаси Қонун ҳужжатлари тўпламлари, 2013 йил, 18-сон, 233-модда) Қонунига ҳамда Ўзбекистон Республикаси Вазирлар Маҳкамасининг 2017 йил 5 декабрдаги “Ижтимоий муҳофазага мұхтоҗ, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш үринларининг энг кам сонини белгилаш ва захирага қўйиш тартибини янада тақомиллаштириш чора-тадбирлари тўғрисида”ги 965-сонли Қарорига асосан, туманда ижтимоий ҳимояга мұхтоҗ, иш топишда қийналаётган ва меҳнат бозорида тенг шароитларда рақобатлашишга қодир бўлмаган шахсларни 2020 йилда ишга жойлаштириш учун иш жойларининг энг кам миқдорини ажратиш, қўшимча иш жойлари яратиш ҳамда уларни муҳофaza қилиш мақсадида Ўзбекистон Республикаси “Маҳаллий давлат ҳокимияти тўғрисида”ги Қонунининг 25-моддасига асосан:

ҚАРОР ҚИЛАМАН:

1. Бағдод туманида квота иш үринлари сонини ва уларга қўйиладиган талабларни белгилаш бўйича маҳсус комиссиянинг таркиби 1-иловага ҳамда Бағдод тумани Аҳоли бандлигига кўмаклашиш маркази томонидан тумандаги корхоналарда 2020 йил учун ижтимоий муҳофазага мұхтоҗ ва иш топишда қийналаётган шахслар учун банд қилинган (квота) иш жойларининг тақсимоти 2-иловага мувофиқ тасдиқлансин.

2. Туманда ижтимоий муҳофазага мұхтоҗ, иш топишда қийналаётган ва меҳнат бозорида тенг шартларда рақобатлаша олмайдиган шахслар учун 2-иловага мувофиқ ходимларнинг рўйхат бўйича ўртача сонидан 969 нафарини ташкил этадиган 10,0 фоиз миқдорида, шу жумладан:

- ногиронлар учун 3,0 фоиз (250 киши);
- умумий ўрта маҳсус, касб-хунар таълими муассасаларини тамомлаган ёшлар, шунингдек, олий таълим муассасаларининг давлат грантлари бўйича таълим олган битирувчилари учун 4,0 фоиз (470 киши);
- ўн тўрт ёшгacha ва ногирон болалари бўлган ёлғиз ва кўп болали ота-оналар учун 1,3 фоиз (190 киши);
- пенсияолди ёшидаги шахслар учун 0,5 фоиз (71 киши);
- сафарбарлик чақируви захирасида хизматни ўтаган ва Ўзбекистон Республикаси Қуролли Кучлари сафларидан муддатли ҳарбий хизматдан бўшатилган шахслар учун 0,4 фоиз (20 киши);
- жазони ижро этиш муассасаларидан озод қилинган ёки суднинг қарорига кўра тиббий тусдаги мажбурлов чоралари кўлланилишидан озод қилинган шахслар учун 0,6 фоиз (12 киши);
- **ижтимоий муҳофazaga mұxtoj shahslarning boşqa toifalari, shu jumladan odam savdosini** қурбонлари учун 0,3 фоиз (6 киши) миқдорида иш үринлари захираси белгилансин.

3. Ушбу тоифа шахслар учун иш үринлари ходимлар томонидан ўзларининг меҳнат мажбуриятларини тўсиқларсиз бажаришини таъминлайдиган санитария-гигиена нормалари ва

мөхнат шароитларига мувофиқ бўлишини таъминлаш, шу жумладан қўйидагиларга мувофиқ бўлиши керак:

- ёлғиз ота, ёлғиз она ва 14 ёшгача бўлган ногирон болалари бор кўп болали ота-оналар учун - болаларни тарбиялаш ва мөхнат мажбуриятлари бўйича вазифаларни уйғунлаштириш имконини берадиган, ўзгарувчан иш жадвалига эга бўлган иш ўринлари;
- таълим муассасаларини тугатган ёшлар учун - уларнинг касб бўйича тайёргарлигига мувофиқ бўлган иш ўринлари;
- муддатли ҳарбий хизматдан бўшатилган шахслар учун - уларнинг касб бўйича тайёргарлигига мувофиқ бўлган иш ўринлари;
- ногиронлар учун - мөхнат шароитлари бўйича аттестациядан ўтказилган ҳамда ходимга иш жараёнларини тўсқинликсиз бажариш имконини (соғлиғининг аҳволи ва мөхнат фаолиятига нисбатан белгиланган зид кўрсаткичлар ҳисобга олинган ҳолда) берадиган иш ўринлари;
- туман Аҳоли бандлигига кўмаклашиш марказида иш қидиравчи сифатида ҳисобда турган пенсия ёшига яқинлашиб қолган шахслар учун - маҳсус малакани талаб қилмайдиган иш ўринлари;
- жазони ўташ муассасаларидан бўшатилган, жазони ўтаётган ёки суд қарорига кўра тиббий характердаги мажбурий чоралар кўрилган шахслар, одам савдосидан жабрланганлар учун - уларнинг касб бўйича тайёргарлиги ҳисобга олинган ҳолдаги иш ўринлари, муайян касб-хунарга, малакага эга бўлмаган шахслар учун эса - маҳсус малакани талаб қилмайдиган иш ўринлари.

4. Иш ўринлари банд қилиб қўйиладиган касблар ва лавозимлар рўйхати қўйидагича белгилансин:

муҳандислар, иқтисодчилар, ҳисобчи, ҳисобчи-тафтишчи, ҳуқуқшунос, зоотехник, агроном, шифокор, ҳамшира, кичик тиббий ходим, иш юритувчи, ўқитувчи, тарозибон, электр ва автоаравача ҳайдовчиси, ташувчи, фаррош, ўтёқар, ободонлаштириш ишчиси, омборчи, ЭҲМ оператори, тикувчи, юкчи, ишчи, боғбон, қаровул.

5. Туманда мавжуд корхона, ташкилот ва муассасаларнинг раҳбарларига:

Ўзбекистон Республикаси Вазирлар Маҳкамасининг 2017 йил 5 декабрдаги 965-сонли қарори билан тасдиқланган "Ижтимоий муҳофазага муҳтоҷ, иш топишда қийналаётган ва мөхнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва захирага қўйиш тартиби тўғрисида"ги [Низомга](#) мувофиқ ижтимоий муҳофазага муҳтоҷ ва иш топишда қийналаётган шахслар учун кўрсатилган иш ўринлари ташкил этилишини таъминлаш;

йил бошлангунга қадар ўн кундан кечикмай ижтимоий муҳофазага муҳтоҷ ва иш қидиришда қийналаётган шахсларни ишга жойлаштириш учун банд қилиб қўйилган иш ўринлари умумий сонининг камида 25 (йигирма беш) фоизи ҳажмида иш ўринлари банд қилиб қўйилишини ва тайёр бўлишини таъминласин, бу тўғрида туман Бандликка кўмаклашиш марказига йил бошлангунга қадар ахборот киритсан;

ижтимоий муҳофазага муҳтоҷ ва иш қидиришда қийналаётган шахслар учун иш ўринларининг қолган қисмини банд қилиб қўйиш ташкилот (иш берувчи) томонидан календарь йилнинг биринчи чораги мобайнида таъминлаш, бу тўғрида туман Аҳоли бандлигига кўмаклашиш марказига биринчи чорак тугагандан кейин ўн кундан кечикмай ахборот берсин;

ташкилотлар ҳар чоракда туман Аҳоли бандлигига кўмаклашиш марказига юқорида кўрсатилган тоифадаги шахсларнинг ишга жойлаштирилиши тўғрисида ушбу низомга [5-иловага](#) мувофиқ шакл бўйича ахборот тақдим этиши;

банд қилиб қўйилган иш ўринларининг белгиланган сони ҳисобига ижтимоий муҳофазага муҳтоҷ ва иш қидиришда қийналаётган шахсларни ишга жойлаштириш учун иш ўринларининг тайёрлиги тўғрисидаги ахборотни ташкилот томонидан тақдим этилмаганлигига ҳам ва амалда уларнинг тайёр эмаслигига ҳам мөхнат органи томонидан маҳаллий давлат ҳокимияти органи қарорининг бажарилмаганлиги сифатида қараши лозимлиги қайд этилсин.

6. Ушбу қарор бажарилмаган тақдирда, шунингдек, уларни ишга қабул қилиш асоссиз равишда рад этилганлиги учун ташкилотларнинг мансабдор шахсларига “Ижтимоий муҳофазага муҳтоҷ ва иш топишида қийналаётган шахсларни ишга жойлаштириш учун иш ўринларини банд қилиб қўйиш тартиби тўғрисида”ги Низомнинг [21-бандига](#) мувофиқ, маъмурий жавобгарлик белгиланиши кўрсатиб ўтилсин.

7. Қўшимча тариқасида, Ўзбекистон Республикаси Бандлик ва меҳнат муносабатлари вазирининг “Ўзбекистон Республикаси Бандликка кўмаклашиш давлат жамғармаси маблағлари ҳисобидан субсидия ва грантлар ажратиш тартиби тўғрисидаги Низомни тасдиқлаш ҳақида”ги 31.05.2019 йил кундаги АВ №3163-сонли буйруғига асосан “ижтимоий эҳтиёжманд аҳоли қатламларига мансуб шахсларни, квоталанган иш ўринларининг энг кам сонидан ортиқ миқдорда ишга қабул қилган корхона, ташкилотларга – ҳар бир ходим учун 12 ой давомида, ҳар ойда энг кам ойлик иш ҳақининг

2 баравари миқдорида ҳақ тўлаш тўғрисида”ги норма белгиланганлиги эътиборга олинсин.

8. Туман Аҳоли бандлигига кўмаклашиш маркази (А. Имомов) беш кун муддатда ушбу қарорнинг [1-бандида](#) кўрсатилган ташкилот раҳбарлари эътиборига етказсин.

8. Мазкур қарор “Бағдод хаёти” (Д. Полвонов) газетасида расмий эълон қилинсин ва туман ҳокимлигининг расмий веб-сайтига жойлаштирилсин.

9. Мазкур қарор 2020 йилнинг 1 январь кунидан бошлаб кучга киритилсин.

10. Ушбу қарорнинг бажарилишини назорат қилиш туман ҳокимининг ўринбосари F.Солиев зиммасига юклатилсин.

Туман ҳокими:

А. Турсунов.

2019-09-06 10:38:19